

**أربعينك آيه قدسيه
صرخته تبكى للأبد حسيناه**
**في النفوس الكربلائية
من المهد حتى اللحد حسيناه**

وانزلت بالغازرية ونوخت ظعني
وصورتك طول الدرب لا ما تبارحني
خويه رف اجناح گلبي وجاك متعني
گوم من گبرك الساعة يا الأخو وضمني

خويه جيت امن اليسر والدمعه تسبگني
افراگي لك يا بو المحنه والله عذبني
شوگي لك من بعد ضيم الشفته يذبحنني
آه يا عزي الذي ابفرگتك فارگني

من شفت بدرك ابرمحه ابيضوي ويلالي
اشلون حالي من بعد أحبابي يهنالي
ما يطيب الحال بعد السيد الغالي
وما بگی منكم أحد بالسفره بيرالي

خابت اظنوني يخويه وخابت آمالي
من بعد ما رحت عني ذاب دلالي
اتغيرت يا خويه بعد العاشر أحوالي
من بعدكم يالغوالي الشمر يدنالي

وامشينه عنك والجسد في حر لتراب يا أغلى لحباب
تمشي الضعينه والشمر يا خويه حاديها

وامشينه عنك والگمر عن الظعن غاب يا أغلى لحباب
وبالظعينه اعله الهزل اتودع أهاليها

وامشينه عنك والدمع بالخد سچاب يا أغلى لحباب
وهذي يتاماكم من ايسكن بواچيها

وامشينه عنك لا تگلي شعظم امصاب يا أغلى لحباب
زينب أختكم تنسبي والشمر ياذيها

ما عادت أيامي مثل الزمن لول
وبنت الخدر آني أركب على الهزل
عنك رقيه اتصيح عن الأبو تسأل
لكن بعد عيناك بالغربه شتحمل

يا لغالي اتبدل حالي بعد عيناك
يا خويه وامجدل انتہ على الغبره
لمن مشى المحمل خويه وأشد امصاب
يا خويه ما يذبيل عود الصبر بعدك

أجساد وأما الروس تتودی هديه
بنت الخدر كان اسمي وأصبح خارجيه
ابدرب السبي تتصوب ابنار الرزيه
وتگلي نار افراگ ابويه توج بيه

أترك جنتكم عافره في الغاضريه
واتبدل اسمي من بعدكم يا شففيه
يا بويه والأصعب على بنتك رقيه
وشحالي لو صاحت يبو الغيره عليه

أربعينك آيه قدسيه
صرخته تبكى للأبد حسينه
في النفوس الكربلائية
من المهد حتى اللحد حسينه

من مشى ظعن السبايا وعنك امشينه
هضم ويلات ومآسي وذل تراوينه
والمدامع نرف دمها من بواچينه
من عيون الشامتين ابطله يحمينه

اگبال روس أهلي الغوالي يشمت اعليه
كشر أنياب الدناءه وبس يخز عينه
يا عدو الله من كيدك الله يحمينه
لنه بعيون الله هان اللي نزل بينه

چم ألم ذوب گلبنه وچم ألم بينه
الكوفه يالغالي ابغصصها اشكد تآذينه
حتى هبات الهوا يا خويه تجوينه
وين حمای الظعينه ووين والينه

عند ابن مرجانه لما ابگصره طبينه
ايگلي ها يا خارجيه كل هلچ وينه
گلت له ابصوت الإبا هيهات تلوينه
واحمدت رب السما ابذبحه أهالينه

واتعالت ابگصر الدعي امن الطفله صيحات لا والله هيهات
لا ما تذلل احسين أبويه وهامه مرفوعه
ولو ظل أبويه اعله الترب جانب المسناة لا والله هيهات
وامسلبه اثياه او خنصر چفه مگطوعه
احنه بنات الخدر واحنا الفاطميات لا والله هيهات
احنه أخذنه العزم من تكسيرة اضلوعه
خالد أبونه وذكره طول الدهر ما مات لا والله هيهات
وفي كل أرض يتفجر العزتنه ينبوعه

وبيده لواء الثار يكتب عباراته
حسيني أبد ما يموت وما تموت هيهاته
مثل الجبل والريح ما اتهم أساساته
عزة وكرامه ونور تتجلى شيباته

طفلك يبو الأحرار تسمع هتافات
وايگله يا ابن ازباد ويرفعها صيحاته
والييگه حب احسين في گلبه وذاته
بالطشت راس حسين تتلاله وجناته

والآخر الأنفاس يتردد صداها
لا ما يخاف الموت ما يرهب عداها
تبقى شعار التضحية للأمة والدين
والرايه خفاقه تظل كل ساعه كل حين

هالصرخه يا مظلوم للمحشر مداها
حتى الطفل يحسين بالمهجه فداها
الآخر زمن ما تنتهي ثورتك يحسين
ذباحك أصبح وين وانت ابرفتك وين

**أربعينك آيه قدسيه
صرخته تبكى للأبد حسيناه
في النفوس الكربلائية
من المهد حتى اللحد حسيناه**

تخشع الدنيا اعلاه صوته ووقع أذكاره
أم حسبتكم يقرأ يعلن ثورة إصراره
ومن بعدها ما تفيد الشمر أذاره
والشمر طول العمر ما ينمحي عاره

آه يراس بالرمح تتلأله أنواره
وابمسير الظعن صار ايخلد آثاره
هيه كلمات اعلاه رمحه توصل إنذاره
احسين فوگ الرمح راسه دور إعصاره

ابضامري جمرة غضا مشبوبة ما تطفه
وبعده من عاشر ابرمحه ما وقف نزفه
ايگلها عذري والدچ فوگ الرمح ظرفه
واحنا نمشي اعلاه الهزيله الضامره العجفه

آه يراس بالرمح يصعب علي وصفه
من أعاين نظرتيه وحنانه وعطفه
لو بچت سكنه أدار الها ابعجل طرفه
يمشي گدام الظعينه والحرم خلفه

بعيونك آثار النبي وحيدر الكرار ما تقبل العار
وابجهتك آثار سجده اتفيض بأنوارك

وابثغرك أنفاس القداسه اترتل أذكار ما تقبل العار
وابوجنتك يا بو علي محفوظه أسرارك

ياالشبيبتك تقطر مهابة وعزه وإكبار ما تقبل العار
حي انتہ برماحك وميت صار غدارك

يالمنحرك منبع دمه ايزلزل الفجار ما تقبل العار
واحنا بجلالك نحتمي وحصنك وأسوارك

هامك يظل مرفوع ما يقبل الإذعان
مثل محال ايموت هدي وتقى وإيمان
ابطشته تلاً لأ نور في حضرة الطغيان
ياللي فضحت ايزيد وابواضح البرهان

وحگ راسك المقطوع عالي اعلاه راس الزان
أذكارك التسبيح واترتل القرآن
طبينه أرض الشام وراسك رفيع الشأن
بيك الفخر يحسين وبيك الغلب يزدان

شفنه العجب والأعجب اعلاه راس لسنان
ما تنتكس هاماتنا وایمر لزمان
خالد يظل طول الدهر يروي انتصارك
واني ابطريق الطق أرف اللواء شارك

يالراسك المرفوع وايرتل القرآن
يارافع الروس السبايا أصبحت عنوان
يالوقعت فوگ الرمح بالدم شعارك
ما تركع أبدا للخنا وواضح قرارك

**أربعينك آيه قدسيه
صرخته تبكى للأبد حسيناه**
**في النفوس الكربلائية
من المهد حتى اللحد حسيناه**

والجروح البيه غارت ما أظن تلتام
وفرجه نصبح بين حاقد ناصبي وشتام
اتنام عين أطفالى لكن عيني لا ما اتنام
لو تموت الوحده من الضيم ما تنلام

وسكنه هاي اعزيتك بالسوط اضربوها
مثل سوم الخدم خويه اسكينه ساموها
واليتمى لو بجت بالسوط ايسكتوها
جيبوا راس احسين ليها ولا ترحموها

اوصلنه للشام آه يويلي من عذاب الشام
نوگف ابهر الظهر آني وحررم وأيتام
ولو يجينه الليل يجبر غصة الآلام
بالحبل نمشي يسارى وسطوة الظلام

عيلتك من بعد عينك خويه آذوها
اسمعت باذني يا أبوها اشلون ايدلوها
والحرم كلها ابجل للگصر گادوها
زينب ايگولون هذا ما عرفتها !

ابطشت الذهب راسك يخويه اجرح العين يا خويه يحسين
والحرم من دمها جرت خويه مدامعها

وعين الشماته اعليه خويه ايسار ويمين يا خويه يحسين
ما تنخزي اعيون الذي الزينب يطالعها

وين الكفلى اللي وگع وبليا چفين يا خويه يحسين
يمسح ادموع الحوره ويسكن مواجهها

وين الوگع جنب النهر راعي الفخر وين يا خويه يحسين
يشوف العقيله اشلون أصبح بعده واقعها

من بعدك الأرجاس ترضى يذلوني
ما ترضى يا عباس عدوان ايسروني
راحوا هلي وظليت والگوم ايشتموني
حضروا ابجل ليه بهالشدة عينوني

عباس يعيوني أنه على العباس
وبالسوط اضربروني واعله الهزيل امشيت
والخاطر اعيوني احضر يبو الكلفات
هالساعة حضروني يخواني يا الغياب

يا ويلي صار ايزيد ينكت بيها شفته
آه يا أخويه بالمصايب ضيّع أخته
واعله الرمح راس ابن أمي ما نظرته
آه يا أخويه الما يردني لو طلبته

بالخيزرانه ايزيد اجه للراس شفته
بالخيزرانه ابن الذنا يضرب جبهته
يا ريت يوم الغاضريه ما حضرته
صحت ابرفيع الصوت للوالي وندهته

أربعينك آيه قدسيه
صرخته تبكى للأبد حسيناه
في النفوس الكربلائية
من المهد حتى اللحد حسيناه

وين عني بو الفضل يسمع معاناتي
من وكع شيخ العشيره ابتدت مأساتي
گوموا يخواني او ضمدوا لي جراحاتي
جارت الأمه وصرت ما بين نكباتي

الكربله جيت ونشدت أعظم رجالاتي
اتسجرت نار المصايب في وسط ذاتي
آه يا جرح اللي كان وجرحي الآتي
الكوفه والشام ودروب البيه ويلاتي

واني من عظم الجره ضر السرى مسني
جيت أزور أحبابي وين اللي ينزلني
أرد أكله البعد گاسي گوم باصرني
والجهات الأربعه المرقدك تاخذني

بينت أرض المصايب والظهر محني
وينه اشبول الهواشم بعّدت عني
من إلى گبر الشهيد احسين ياخذني
شوگي لك لو لحظه والله ما يبارحني

جابر يجابر ما دريت ابكريله اشصار
والحرم شاطت للمعاره تريد أهاليها

جابر يجابر والدهر ما أنصف وجار
ونار اليوجرها الدهر گلي اشيطفيها

جابر يجابر من علمنه اعله النهر طاح
والحرم حسنت باليسر وبفگد واليه

مالوم چبدي وكريله علة المألوم
أحا ينبله حرمله قلبي انقطع بيها

من شفته عالتربان
بعيني شفت لخيول
وراس الحسين ابزان
درب البراري اطويل
ابطعناته اموزر
واضلوعه تتكسر
ابدرب السبي اتشهر
وآلامه تتكرر

وأعظم عليه امصاب
جابر يجابر شوف
اجروحي اشيعدها
ومن بعد أبوالأحرار
من طاح أبو الأكبر
ميدانه أتصور
واجروحي ما تصغر
واقعنه يتغير

وسعوا مكانه يا خلگ واحفروا گبره
وحفروا لي بعدال الغبر يحبابي حفره

دلوني گبر ابن أمي خل أذرف العبره
أرد أغسل اجراح الحبيب وأشم نحره

بن والدي العباس وامگطع الجفين
يا ريت روحي گبل روحه أخذها البين

وعند الشريعه اخذوني عند امصوب العين
زينب بعد عينه غريبه ومالها معين

أربعينك آيه قدسيه
صرخته تبكى للأبد حسيناه
في النفوس الكربلائية
من المهد حتى اللحد حسيناه

ألهج احروف اسمك وتغمرنى بأنفاسك
سينك اسراج القداسه ونور نبراسك
نونك النور الهلالي اليسطع ابراسك
أتبعك وأتبع خطاكم وحگ عباسك

وأرتدي حبك ابغضم النازلہ اوشاحي
والصبر منك عرفته ابأعظم أتراحي
ما يوفي حجم حبي الروحك إفصاحي
أسألك تنظرني نظره واقبل إلحاحي

امن البعد يا سيدي أشتم عطر ياسك
حاءك الحب الحقيقي اليرف بإحساسك
يائك اليحيى ابوجودك ينتهل باسك
أنه أدبك يالملك دنياي قسطاسك

روحي تشتاك الضواك وانتہ مصباحي
اجراحك اتهون عليه يالولي اجراحي
تعجز احروف اللغات ويعجز ايضاحي
مد الي راحك يروحي وهاك اخذ راحي

ليك السلام امن الكلب ليك التحيه يا ابن الزچيه
تستاهل اعيوني العمه لو لحظه ما تشوفك

ليك السلام وجسمك ابحر الوطيه يا ابن الزچيه
هيهات روعي اللي تحبك سيدي اتعوفك

ليك السلام وراسك اعله السمهريه يا ابن الزچيه
فوق الرمح كعبه صرت لي وروحي اتطوفك

ليك السلام وگبرك البالغاضريه يا ابن الزچيه
لاح ابعيوني جنتي واتلالي بطفوفك

مشتاك أشم اتراب شمامة الزهره
ما تهدأ الونات واجروحي ما تبره
والمنذبح عطشان والعارى بالغبره
حرب إلى العاداك او منه أتبره

مشتاك أزور احسين بالدمعه والحسره
أوصل ضريحه ابشوگ وأجري له العبره
أنعى الغريب الطاح والمنهشم صدره
سلم إلى اليهواك يا خامس العتره

ما توفي يا مولاي واحد من لجروح
من طحت يا نبض الكلب عالغبره مطروح
وراسك الطاهر منخضب واتعله بالزان
ثوره ويسميها الدهر ثورة العطشان

لو أعمي اعيوني او لو أتلف لك الروح
يحسين لك ذابت مهج وانهدت اصروح
مذبوح يا حيف ووسف يا روح الايمان
أصبحت ثوره وللأبد وابمر لزمان

أربعينك آيه قدسيه
صرخته تبكى للأبد حسيناه
في النفوس الكربائية
من المهد حتى اللحد حسيناه

أربعينك مرجله وإيمان وتضحيه
لنه بين اضلوعنه الروح الحسينية
تقطع ادروب الخطر وابروح ثوريه
والخاليق تصرخ ابشارات مهديه

أربعينك خالده وطول العمر حيه
أربعينك خبيت شمر ومساعيه
طلعت أفواج البشر كلها طواعيه
اتكول زينب بت علي ما ترد مسبيه

وابدروب الخطر تزحف كربله ولا تخاف
ومثل أوصاف أبو اليمه تتوجد أوصاف
والحقيقة الحاضره ما تقبل الإجحاف
اقرأ الواقع يجاهل واقرأه ابانصاف

تمشي ادروب البعيده وتقطع الآلاف
وينه مثل احسين بالله ابهالزمن ينشاف
حير اعقول التضدده وحير الأجلاف
جاوز احسين ابقاءه الزمن والأعراف

حجت الأرض الغاضريه أحبابك اتزور حجت المبرور
والگصد تستاف العبير ابجنة أعتابك

حگ الوفه تقضي وتقضي عندك اندور حجت المبرور
لاذت ابگبة حضرتك واوگفت عد بابك

مثل اللي يسعی المكه سعي الأمه مشكور حجت المبرور
أجر الزياره امضاعف الزوارك أحبابك

خير العمل هذا وهذا العمل مذخور حجت المبرور
وصك الشفاعه ينختم في الحشر بترابك

صك الجواز اهنالك من ايد أبو الأحرار
وصار السفر لحسين من أفضل الأسفار
يبجي المصابك دوم ومنه الدمع مدرار
ذاك الذي اتعنالك ترضى يظل محتار؟

يمسه لهيب النار حاشا اليزور احسين
وما همته الأخطار فاز الگصد لطفوف
وايواجه الأقدار فاز الذي اتعنالك
لو في الشدايد صار تنساه يا مظلوم

وامصبيته يا بو علي امصبيه جليله
ما عنده غيرك شافع وانت الوسيله
وانت اللي عند الموت بأفضالك تمده
ندري أبو الأحرار ما يخلف ابوعده

يوم اتطاير الكتب ما عنده حيله
لو أصبحت نجاته باجر مستحيله
صوت الموالي تسمعه في كل شده
وعد وگطعته لليزورك ما ترده